

## Das ander theil

zündpulver ein/vñ gib feuer/so wirst du ohne zweiffel rhum vnd preiß erlangen.

Also hat/meines bedunckens/ein jeder/so diser kunst wissenschaftt begert/berichts genug. Dann er/auff angezeigter centnerkugel / alle andere kleinere kugel / auff dieselbige art / leichtlich machen mag / wo er allein mit abkürzung des darzu gehörigen zeuges / der rechten proportion gemess / fürsichtig vnd fleissig handelt. Doch soll man/vm ersparung vnnotwendiger mühe / zu erzelen auch dises wissen / daß/ob wol alle dergleichen kugeln / so von 100. pfunden an/absteigend biß auff 30. & wegen vñnd schwer sein / mit zweyen bünden/wie gemeldt/gebunden/vnd auff's beste verwart werden müssen/so ist doch vnnotnötten/die kugeln/so kleiner sein/vnd weniger als 30. pfund wegē/also starck zu versehen / sondern ist gnug / wenn du die mittelmessigen kugeln / schlechts über den ersten bund / noch mit einem Ballenbinders bund versorgest. Die kleinen kugel aber / haben am ersten vnd einigen bund genug.

Solger